

চট্টগ্রাম সিটি কর্পোরেশন

জনসংযোগ শাখা, চট্টগ্রাম

মোবাইল: ০১৮১৯-৯৩০৪৮৮



তারিখ: ২২.৪.২০২৫

প্রেস বিজ্ঞপ্তি-

চসিক শিক্ষার্থীদের জন্য মেধাবৃত্তির ব্যবস্থা করা হবে: মেয়র ডা. শাহাদাত

চট্টগ্রাম সিটি কর্পোরেশনের মেয়র ডা. শাহাদাত হোসেন বলেছেন, চসিক পরিচালিত শিক্ষা প্রতিষ্ঠানগুলোর অস্বচ্ছল কিন্তু মেধাবী শিক্ষার্থীদের জন্য মেধাবৃত্তির ব্যবস্থা করা হবে। তিনি বলেন, “অস্বচ্ছল অথচ মেধাবী শিক্ষার্থীদের তালিকা প্রস্তুত করতে হবে। এরপর সেই তালিকা অনুযায়ী তাদের সহায়তায় এসব শিক্ষার্থীদের জন্য মেধাবৃত্তির একটি টেকসই কাঠামো গড়ে তোলা হবে।” মঙ্গলবার (২২ এপ্রিল) নগরীর টাইগারপাস এলাকায় অবস্থিত প্রধান নগর ভবনের সম্মেলন কক্ষে চট্টগ্রাম সিটি কর্পোরেশন পরিচালিত চারটি শিক্ষা প্রতিষ্ঠানের ম্যানেজিং ও গভর্নিং কমিটির যৌথ সভায় সভাপতির বক্তব্যে মেয়র এ কথা বলেন। সভায় তিনি আরও বলেন, “আমরা চাইছি সিটি কর্পোরেশনের শিক্ষার্থীরা শুধু ভালো ফলাফল করুক তা নয়, তারা যাতে নৈতিক মূল্যবোধসম্পন্ন ও দেশপ্রেমিক নাগরিক হিসেবেও গড়ে ওঠে। এজন্য স্কুলে তাদের উপস্থিতি নিশ্চিত করতে হবে এবং কোনো শিক্ষার্থী অনুপস্থিত থাকলে তার সঠিক কারণ খুঁজে বের করতে হবে। কিশোরগ্যাং, মাদকাসক্তি ও ইভটিজিংয়ের মতো সামাজিক ব্যাধি থেকে শিক্ষার্থীদের দূরে রাখতে স্কুল কর্তৃপক্ষ, অভিভাবক ও স্থানীয় সমাজসেবকদের সমন্বয়ে কার্যকর উদ্যোগ নিতে হবে।” সভায় অংশগ্রহণকারী চারটি শিক্ষা প্রতিষ্ঠান হলো কাপাসগোলা সিটি কর্পোরেশন বালিকা উচ্চ বিদ্যালয়, পাঠানটুলী খান সাহেব সিটি কর্পোরেশন বালিকা উচ্চ বিদ্যালয়, বাগমনিরাম আবদুর রশীদ সিটি কর্পোরেশন বালক উচ্চ বিদ্যালয় এবং কাউলী সিটি কর্পোরেশন বালিকা উচ্চ বিদ্যালয় ও কলেজ। সভায় প্রধান শিক্ষা কর্মকর্তা ড. কিসিজ্জার চাকমা, শিক্ষা কর্মকর্তা মোছাম্মৎ রাশেদা আক্তার এবং সংশ্লিষ্ট শিক্ষা প্রতিষ্ঠানগুলোর প্রধান ও ম্যানেজিং কমিটির সদস্যরা উপস্থিত ছিলেন। মেয়র বলেন, “নগরবাসীর সন্তানদের সুশিক্ষায় শিক্ষিত করে গড়ে তোলা আমাদের অন্যতম অঙ্গীকার। চসিক পরিচালিত প্রতিটি শিক্ষাপ্রতিষ্ঠানে আমরা গুণগত শিক্ষা নিশ্চিত করতে চাই। প্রয়োজন হলে শিক্ষক প্রশিক্ষণ, শিক্ষাসামগ্রী সরবরাহ এবং অবকাঠামো উন্নয়নে আরও বেশি গুরুত্ব দেওয়া হবে। আমাদের লক্ষ্য শিক্ষার্থীদের ভবিষ্যতের জন্য উপযুক্ত করে গড়ে তোলা।” সভায় ম্যানেজিং ও গভর্নিং কমিটির সদস্যবৃন্দ চসিক পরিচালিত শিক্ষা প্রতিষ্ঠানগুলোর মানোন্নয়নের জন্য অবকাঠামোগত উন্নয়ন, প্রতিটি প্রতিষ্ঠানে নিরাপত্তা জোরদারে পর্যাপ্ত সিসিটিভি ক্যামেরা স্থাপন, শিক্ষক সংকট নিরসনে শিক্ষকসংখ্যা বৃদ্ধি এবং শিক্ষার্থীদের মানসিক ও শারীরিক বিকাশে সাংস্কৃতিক ও ক্রীড়াসুবিধা সম্প্রসারণে বরাদ্দ বাড়ানোর জন্য মেয়রের প্রতি অনুরোধ জানান। তারা বলেন, শিক্ষা প্রতিষ্ঠান পরিচালনায় এসব মৌলিক চাহিদাগুলো পূরণ করা গেলে শিক্ষার পরিবেশ আরও উন্নত হবে এবং শিক্ষার্থীরা উৎসাহিত হয়ে পড়াশোনায় মনোযোগী হবে। সভায় মেয়র বিদ্যালয় পরিচালনায় স্বচ্ছতা, জবাবদিহিতা এবং সক্রিয় অংশগ্রহণ নিশ্চিত করতে সবাইকে আহ্বান জানান। মেয়রের বক্তব্যে শিক্ষাপ্রতিষ্ঠান সংশ্লিষ্টদের মধ্যে আশাবাদের সঞ্চার হয় এবং তারা সম্মিলিতভাবে চসিক শিক্ষা প্রতিষ্ঠানগুলোকে এগিয়ে নেওয়ার অঙ্গীকার করেন।



জলাবদ্ধতা নিরসনে সব সেবা সংস্থাকে একসাথে কাজ করতে হবে: মেয়র ডা. শাহাদাত

চট্টগ্রাম নগরীতে জলাবদ্ধতা নিরসনে সমন্বিত উদ্যোগের প্রয়োজনীয়তার ওপর গুরুত্বারোপ করেছেন চট্টগ্রাম সিটি কর্পোরেশনের মেয়র ডা. শাহাদাত হোসেন। তিনি বলেছেন, “আর যেন কোনো মায়ের বুক খালি না হয় ডুইই অঙ্গীকারে আমরা সবাই মিলে একটি নিরাপদ ও সবুজ শহর গড়তে একযোগে কাজ করব।” মঙ্গলবার (২২ এপ্রিল) টাইগারপাসস্থ চসিক কার্যালয়ে চট্টগ্রাম নগরীর বিভিন্ন সেবা সংস্থার সঙ্গে এক সভায় সভাপতির বক্তব্যে মেয়র এসব কথা বলেন। মেয়র বলেন, “নগরের নালা ও খালগুলোর সুরক্ষা নিশ্চিত করতে হবে। কোথাও ম্যানহোলের ঢাকনা নেই, কোথাও প্ল্যাব মিসিং ডুইইসব সমস্যাগুলো দ্রুত সমাধান করতে হবে। চসিকের ছয়টি জোনের নির্বাহী প্রকৌশলী ও আঞ্চলিক কর্মকর্তাদের তত্ত্বাবধানে প্রতিটি ওয়ার্ডে কোথায় কোথায় এই সমস্যাগুলো রয়েছে তা চিহ্নিত করে ব্যবস্থা নেওয়া হচ্ছে।”

মেডিসিন স্যান্স ফ্রন্টিয়ার্সের উর্ধ্বতন কর্মকর্তাবৃন্দ প্রমুখ। এসময় মেয়র ডা. শাহাদাত হোসেন বলেন, “ডেঙ্গু একটি মশাবাহিত ভাইরাসজনিত রোগ, যা তীব্র জ্বর, মাথাব্যথা, গা-হাঁপানি, বমি এবং চোখের পেছনে ব্যথাসহ বিভিন্ন উপসর্গ তৈরি করে। অনেক সময় এটি মারাত্মক আকার ধারণ করে এবং মৃত্যু পর্যন্ত ঘটতে পারে। এশিয়া, প্রশান্ত মহাসাগরীয় অঞ্চল, ল্যাটিন আমেরিকা, আফ্রিকা ও ইউরোপের বিভিন্ন অঞ্চলে ডেঙ্গুর প্রকোপ বাড়ছে। এজন্য ডেঙ্গু প্রতিরোধে সবাইকে একযোগে কাজ করতে হবে।” তিনি আরও বলেন, “ডেঙ্গু প্রতিরোধের মূল কৌশল হলো মশার বিস্তার রোধ করা। এ জন্যই আমরা ‘ক্লিন, গ্রিন অ্যান্ড হেলদি সিটি’ ধারণাকে সামনে রেখে কাজ করছি। নগরের প্রতিটি ওয়ার্ডে পরিষ্কার-পরিচ্ছন্নতা কার্যক্রম জোরদার করা হয়েছে। জমে থাকা পানি, পরিত্যক্ত বোতল বা নারকেলের খোল ইত্যাদিতে মশার লার্ভা জন্মায়, তাই এসব পরিত্যক্ত বস্তু দূর করাও অত্যন্ত জরুরি।” তিনি বলেন, “ডেঙ্গু প্রতিরোধে ভ্যাকসিন নিয়ে গবেষণা চললেও এখনো তা গণহারে প্রযোজ্য নয়। তাই, প্রতিরোধই সর্বোত্তম কৌশল। মশার কামড় থেকে রক্ষা পাওয়ার পাশাপাশি মশার বিস্তার রোধে সবার অংশগ্রহণ প্রয়োজন।” মেয়র জোর দিয়ে বলেন, “ডেঙ্গু মোকাবিলায় কেবল স্বাস্থ্য বিভাগ নয়, নগরবাসী, কমিউনিটি ও শিক্ষার্থীসহ সবাইকে সম্পৃক্ত করতে হবে। আমরা যদি একসঙ্গে কাজ করি, তবে ডেঙ্গুর মতো চ্যালেঞ্জ মোকাবেলা সম্ভব।” অংশগ্রহণকারী চিকিৎসক, সিটি কর্পোরেশনের কর্মকর্তা ও আন্তর্জাতিক সংস্থাগুলোর প্রতিনিধিরা নগরবাসীর জন্য একটি সমন্বিত ও টেকসই ডেঙ্গু নিয়ন্ত্রণ কৌশল তৈরির উপর জোর দেন।



চসিকের ভেজাল বিরোধী অভিযান বেকারিসহ চার প্রতিষ্ঠানকে জরিমানা

চট্টগ্রাম সিটি কর্পোরেশনের উদ্যোগে এক্সিকিউটিভ ম্যাজিস্ট্রেট চৈতী সর্ববিদ্যা এর নেতৃত্বে আজ নগরীর স্টেশন রোডে ভেজাল বিরোধী অভিযান পরিচালিত হয়। অভিযানে অস্বাস্থ্যকর নোংরা পরিবেশে বিরানী এবং বেকারি পণ্য প্রস্তুত ও বিক্রি, মেয়াদোত্তীর্ণ খাদ্যপণ্য সংরক্ষণ ও বিভিন্ন রাসায়নিক ব্যবহার করা, প্রতিষ্ঠানের সামনে ময়লা জমা রাখা ও ট্রেড লাইসেন্স বিহীন ব্যবসা পরিচালনা করার অপরাধে পুরাতন রেলস্টেশন সংলগ্ন নুর এ হাবীব বিরানী হাউসকে ৪০ হাজার, বানিয়াটিলার পুরবী বেকারি কারখানাকে ৪০ হাজার, প্রাইম ফুড বেকারি কারখানাকে ১১ হাজার ও নোয়াব ডিপার্টমেন্টাল স্টোরকে ১ হাজার টাকা সহ সর্বমোট ৯২ হাজার টাকা জরিমানা আদায় করা হয়।

স্বাক্ষরিত/-

(আজিজ আহমদ)

জনসংযোগ ও প্রটোকল কর্মকর্তা

চট্টগ্রাম সিটি কর্পোরেশন।

মোবাইল-০১৮১৯-৯৩০৪৮৮